



佛說父母恩重難報經

佛說長壽滅罪護諸童子陀羅尼經

佛說父母恩重難報經

佛說長壽滅罪護諸童子陀羅尼經

河北佛協虛雲印經功德藏印贈

新學社
PDG

回向偈

願以此功德
莊嚴佛淨土
上報四重恩
下濟三途苦
若有見聞者
悉發菩提心
盡此一報身
同生極樂國

佛說父母恩重難報經

佛說長壽滅罪護諸童子陀羅尼經

□印行者

河北佛協《禪》編輯部

□贈閱處

河北省石家莊市郊于底

虛雲禪林法物流通中心

郵編 050071

電話 (0311)3631695

石家莊榮祥印刷有限公司印刷

冀出內準字(1999)第A330/331號

免費贈閱

歡迎贊助

佛歷二五四三年臘月初八佛成道紀念日印贈一萬五千冊

南無本師釋迦牟尼佛



世間所有我盡見
一切無有如佛者

天上天下無如佛
十方世界亦無比

目 錄

佛說父母恩重難報經

一

佛說長壽滅罪護諸童子陀羅尼經

二八

啟經香讚

爐香乍爇。法界蒙熏。諸佛海會。悉遙聞。隨處結祥雲。誠意方殷。諸佛現全身。

南無香雲蓋菩薩摩訶薩

三稱

淨口業真言

唵。修唎。修唎。摩訶修唎。修修唎。薩婆訶。

淨身業真言

唵。修哆唎。修哆唎。修摩唎。修摩唎。薩婆訶。

安土地真言

南無三滿哆沒馱喃唵度嚧度嚧地尾娑婆訶。

虛空藏菩薩普供養真言

清身業

唵。誡誡曩。三婆嚩。鞞日囉斛。

南無本師釋迦牟尼佛

三稱

開經偈

無上甚深微妙法 百千萬劫難遭遇
我今見聞得受持 願解如來真實義

佛說父母恩重難報經

姚秦三藏法師鳩摩羅什奉詔譯

如是我聞。一時。佛在舍衛國祇樹給孤獨園。與大比丘二千五百人。菩薩摩訶薩三萬八千人俱。爾時。世尊引領大衆。直往南行。忽見路邊聚骨一堆。爾時如來。向彼枯骨。五體投地。恭敬禮拜。阿難合掌白言。世尊。如來是三界大師。四生慈父。衆人歸敬。以何因緣。禮拜枯骨。佛告阿難。汝等雖是吾上首弟子。出家日久。知事

未廣。此一堆枯骨。或是我前世祖先。多生父母。以是因緣。我今禮拜。佛告阿難。汝今將此一堆枯骨分作二份。若是男骨。色白且重。若是女骨。色黑且輕。

阿難白言。世尊。男人在世。衫帶鞋帽。裝束嚴好。一望知爲男子之身。女人在世。多涂脂粉。或薰蘭麝。如是裝飾。即得知是女流之身。而今死後。白骨一般。教弟子等。如何認得。

佛告阿難。若是男子。在世之時。入於伽藍。聽講經

律。禮拜三寶。念佛名號。所以其骨。色白且重。世間
女人。短於智力。易溺於情。生男育女。認爲天職。每
生一孩。賴乳養命。乳由血變。每孩飲母。八斛四斗。
甚多白乳。所以憔悴。骨現黑色。其量亦輕。
阿難聞語。痛割於心。垂泪悲泣。白言。世尊。母之恩
德。云何報答。

佛告阿難。汝今諦聽。我當爲汝。分別解說。
母胎懷子。凡經十月。甚爲辛苦。在母胎時。第一月
中。如草上珠。朝不保暮。晨聚將來。午消散去。母懷

胎時。第二月中。恰如凝酥。母懷胎時。第三月中。猶如凝血。母懷胎時。第四月中。稍作人形。母懷胎時。第五月中。兒在母腹。生有五胞。何者爲五。頭爲一胞。兩肘兩膝。各爲一胞。共成五胞。母懷胎時。第六月中。兒在母腹。六精齊開。何者爲六。眼爲一精。耳爲二精。鼻爲三精。口爲四精。舌爲五精。意爲六精。母懷胎時。第七月中。兒在母腹。生成骨節。三百六十。及生毛孔。八萬四千。母懷胎時。第八月中。出生意智。以及九竅。母懷胎時。第九月中。兒在母腹。吸

收食物。所出各質。桃梨蒜果。五谷精華。其母身中。生臟向下。熟臟向上。喻如地面。有山聳出。山有三名。一號須彌。二號業山。三號血山。此設喻山。一度崩來。化爲一條。母血凝成。胎兒食料。母懷胎時。第十月中。孩兒全體。一一完成。方乃降生。

若是決爲孝順之子。擎拳合掌。安祥出生。不損傷母。母無所苦。倘兒決爲五逆之子。破損母胎。扯母心肝。踏母跨骨。如千刀攪。又仿佛萬刃攢心。如斯重苦。出生此兒。更分晰言。尚有十恩。

第一懷胎守護恩

第二臨產受苦恩

第三生子忘憂恩

第四咽苦吐甘恩

第五回乾就濕恩

第六哺乳養育恩

第七洗濯不淨恩

第八遠行憶念恩

第九深加體恤恩

第十究竟憐愍恩

第一懷胎守護恩 頌曰

累劫因緣重 今來托母胎

月逾生五臟 七七六精開

體重如山岳 動止劫風災

羅衣都不挂
妝鏡惹塵埃

第二臨產受苦恩
頌曰

懷經十個月
難產將欲臨
朝朝如重病
日日似昏沉
難將惶怖述
愁泪滿胸襟
含悲告親族
惟懼死來侵

第三生子忘憂恩
頌曰

慈母生兒日
五臟總開張
身心俱悶絕
血流似屠羊

生已聞兒健

歡喜倍加常

喜定悲還至

痛苦徹心腸

第四咽苦吐甘恩

頌曰

父母恩深重

顧憐沒失時

吐甘無稍息

咽苦不顰眉

愛重情難忍

恩深復倍悲

但令孩兒飽

慈母不辭饑

第五回乾就濕恩

頌曰

母願身投濕

將兒移就乾

兩乳充饑渴
恩憐恒廢枕
但令孩兒穩

羅袖掩風寒
寵弄才能歡
慈母不求安

第六哺乳養育恩

頌曰

慈母像大地
覆載恩同等

嚴父配於天
父娘恩亦然

不憎無怒目
誕腹親生子

不嫌手足攣
終日惜兼憐

第七洗濯不淨恩

頌曰

本是芙蓉質

精神健且豐

眉分新柳碧

臉色奪蓮紅

恩深摧玉貌

洗濯損盤龍

只爲憐男女

慈母改顏容

第八遠行憶念恩

頌曰

死別誠難忍

生離實亦傷

子出關山外

母憶在他鄉

日夜心相隨

流淚數千行

如猿泣愛子

寸寸斷肝腸